

Fegl d'infurmaziun per petentas e per petents

Procedura da runcar e nova lescha davart la planisaziun dal territori per il chantun Grischun

La regenza ha mess en vigur la lescha revedida davart la planisaziun dal territori per il chantun Grischun per il 1. da november 2005.

La finamira dal fegl d'infurmaziun qua avant maun è da gidar la petenta u il petent ad elavurar ed ad inoltrar ina dumonda da runcar en connex cun proceduras da la planisaziun dal territori (EOZ, planisaziun locala).

1. Davart la procedura da runcar

È il gaud pertutgà?

Sche Vus avais intschertezzas, dumandai per plaschair l'inschigner forestal regional competent.

Tge è ina runcada?

Ina runcada è l'utilisaziun permanenta u temporara d'areal da gaud per in auter intent.

Cumpensaziun da la runcada

Runcadas ston vegnir cumpensadas. Quai è collià cun expensas finanzialas correspundentas per la petenta u per il petent.

Consentiment da la proprietaria u dal proprietari da gaud

Per runcar basegni il consentiment da la proprietaria u dal proprietari da gaud (suttascripziun).

2. Obligaziun dal scleriment preliminar en cas da proceduras da la planisaziun dal territori

Avant che inoltrar la dumonda da runcar a la vischnanca sto la dumonda vegnir suttamessa directamain a l'inschigner forestal regional competent per laschar far in scleriment preliminar. Dus exemplars dal dossier da runcada restan tar il servetsch forestal.

3. Nua sa chatta il formular da runcada?

Sin www.wald.gr.ch sut "Produkte und Aufgaben", "Waldrecht".

4. Nua vegn la dumonda inoltrada?

Tar la vischnanca, sin il territori da la quala la runcada vegn dumandada. I ston vegnir inoltrads medem blers dossiers da runcada sco quai ch'i vegnan pretendids exemplars da dumonda en la procedura directiva.

5. Tgi gida vinavant?

- l'inschigner forestal regional competent
- en cas da dumondas davart proceduras da la planisaziun dal territori: l'uffizi per il svilup dal territori dal Grischun
- la homepage da l'uffizi forestal dal Grischun (www.wald.gr.ch)

Sin nossa homepage chattais Vus sut "Produkte und Aufgaben", "Waldrecht" il suandant:

- formulars da runcada
- exempel da publicaziun per ina runcada/EOZ
- exempel da publicaziun d'ina exposiziun da cooperaziun per ina runcada/planisaziun locala
- exempel da publicaziun d'ina exposiziun da recurs per ina runcada/planisaziun locala
- fegl d'infurmaziun per petentas e per petents d'ina runcada

Las proceduras da runcar cun las ulteriuras proceduras directivas (vias, viafiers e.u.v.) vegnan fatgas sco fin uss.